

**MOMBASA COUNTY ASSEMBLY****HANSARD REPORT**

Wednesday, 3<sup>rd</sup> August, 2016

The House met at 2.41pm.

*(Hon. Deputy Speaker (Mr. Mswabah Rashid) in the Chair)*

**PRAYERS**

**Hon. Deputy Speaker** (Mr. Mswabah Rashid): Clerk?

**PAPER**

Hon. Hamisi Musa Mwidani.

**Leader of Majority** (Hon. Mwidani): Ahsante sana Bwana Spika kwa kunipa fasihi Bwana Spika...ningeomba kwa nidhamu ya Bunge hili kama Mwenyekiti wa Kamati ya *Ad hoc* tulikuwa tumekubaliana nao alafu tutengeneze ripoti hata sasa hawajajibu barua yetu.

Ningeomba tupewe muda kwa sababu tulienda na tulikuwa tunangoja sasa watuletee yale maagizo ambayo tulikubaliana na tulete kwa Kamati alafu tutengeneze ripoti.

Kwa hivyo mpaka sasa Bwana Spika hawajatujibu watu wa Kenya Ports Authority, nafikiri ni wakati huu pia tutawasiliana na wasimamizi wangu wa kitengo cha mawasiliano kuona kwamba tumechukua hiyo hatua na ikiwezekana wiki ijayo niwe nimeleta hiyo ripoti, Bwana Spika naomba muda.

**Hon. Deputy Speaker** (Mr. Mswabah Rashid): Mheshimiwa Hamisi Musa Mwidani unafikiria labda lini itakuwa tayari katika fikra zako.

**Leader of Majority** (Hon. Mwidani): Mheshimiwa Spika nikisema ni kwamba ningeomba mpaka Juma tano.

**Hon. Deputy Speaker** (Mr. Mswabah Rashid): Sawa. Karani?

**NOTICE OF MOTION**

Hon. Mwidani?

**Leader of Majority** (Hon. Mwidani): I think Mr. Speaker I arise from the Order number 6 also has been taken by Order number 5.

**Hon. Deputy Speaker** (Mr. Mswabah Rashid): Clerk?

**MOTION**

Hon. Ndanda Chiro?

**Hon. Mohamed Ndanda:** Thank you. Mr Speaker I do hereby move a Motion in regard to safety for pedestrians at Likoni Ferry. Mr. Speaker Sir I beg to give, Mr Speaker Sir there is a problem, I think a computer era.

**Hon. Deputy Speaker** (Mr. Mswabah Rashid): It is not a computer era but I was expecting you to give a Notice of Motion because this Motion was not, it is a special Motion.

I agreed to never the less you have to follow the procedure, first you must give a Notice of Motion and then seek leave so I think you did not follow the procedures but I accept now you go back, you give us a Notice of Motion and then you go ahead and give the Motion.

**Hon. Mohamed Ndanda:** Thank you Mr Speaker. Mr. Speaker...

*(Interruption)*

**Hon. Deputy Speaker** (Mr. Mswabah Rashid): Yes Hon. Fadhili.

**Hon. Mwalimu:** Mheshimiwa Spika hii ni Nyumba ya sheria Mheshimiwa Spika na lazima tufuate taratibu za Bunge vile zinavyohitajika.

Mheshimiwa Spika tunaheshimu uamuzi uliotoa na kama ulivyotoa uamuzi wako uamuzi u heshimike; sababu ya kusema hayo ni kuwa ikiwa Mheshimiwa ni afuate ama alete notisi hapa tulipo kulingana na taratibu, tuko na taratibu nambari nane na taratibu ya kuleta notisi huwa ni taratibu nambari tisa.

Ningemwomba mwenzangu Mheshimiwa Spika aombe Bunge hili liweze kumpatia nafasi kesho akiweza kuleta hoja yake hii ili ifuate taratibu na nidhamu katika Bunge letu kupitia uamuzi wako.

Mheshimiwa Spika uamuzi uliotoa sasa hivi...lakini sio aruke tena ajaribu kupitisha hii hoja kinyume na sheria. Ahsante.

**Hon. Deputy Speaker** (Mr. Mswabah Rashid): Yes Hon. Ndanda.

**Hon. Mohamed Ndanda:** Thank you Mr. Speaker. Mr Speaker I started by saying there is a computer era because I also noticed that this Order was to be number 6 but because of computer era they wrote number 8.

So Mr. Speaker I understand this is a House of procedures, but again I would like to plead with the Hon. House that this matter is very crucial and just in brief before I read this Notice of Motion this matter lead to death of more than three prominent people in our County Hon. Speaker and Hon. Speaker this matter if it is not going to be resolved by today....

*(Interruption)*

**Hon. Deputy Speaker** (Mr. Mswabah Rashid): Yes Hon. Kibwana what is it?

**Hon. Kibwana Swaleh:** Mr Speaker it is very unfair for my colleague Ndanda, he has been given an opportunity now he is trying to circumvate by talking about the Motion indirectly so he must adhere to the rules first before he continues with this Motion, we need your guidance.

**Hon. Deputy Speaker** (Mr. Mswabah Rashid): My ruling was he brought this matter to me, that he has a Motion and I agreed to it and I agreed that this Motion should come in the afternoon.

So I think as you say may be there was a typing error but he did not follow the procedure, he was to follow the procedure first he was to give a Notice of Motion and then he should seek leave to bring this Motion today but he missed Order 6.

I do not know what happened but he missed number 6 and we went to number 7 and he went straight to number 8 so that was the problem but it depends with you this House, this House has allowed him to go back I will have to ask the House if you can be allowed to proceed or not.

Members, as many...yes Hon.?

*(Loud Consultation)*

Members of this County Assembly as many as are of the opinion that this Motion should be brought now...

*(Question proposed and agreed to)*

*(Applause)*

Hon. Ndanda.

**Hon. Mohamed Ndanda:** Thank you Mr Speaker I beg to give Notice the following Motion.

### **SAFETY FOR PEDESTRIANS AT LIKONI FERRY**

*Mr. Speaker Sir, I beg to give Notice of the following Motion;*

*AWARE THAT the Kenya Ferry Services Limited provides a link that connects Mombasa to Kwale County and other countries;*

*FURTHER AWARE that the alley way to the Ferry on a daily basis is used by many pedestrians making human traffic in that area to be heavy;*

*CONCERNED THAT an alley way for pedestrians has been encroached by hawkers thereby restricting the movement of pedestrians causing unnecessary overcrowding which poses security and safety threat;*

*I urge this House to RESOLVE that;*

- 1. The County department of Inspectorate to move with speed to remove the hawkers from the alley way to ease human congestion.*

*(End of Notice of Motion)*

Mr. Speaker I beg to give a Notice of that Motion.

**Hon. Deputy Speaker** (Mr. Mswabah Rashid): Ok thank you, now you can ask leave for the Motion to be discussed.

**Hon. Mohamed Ndanda:** Thank you Mr Speaker for your guidance, I therefore seek leave so that this House can debate this Motion to be.

**Hon. Deputy Speaker** (Mr. Mswabah Rashid): I accept you can move the Motion now I accept your opinion, now move the Motion.

**Hon. Mohamed Ndanda:** Thank you Mr Speaker Sir. Mr Speaker protect me from this Hon. Member I don't know what he is carrying in his mouth and he is looking at me so miserably that..., thank you very much I therefore take this time to move a Motion;

## **MOTION**

### **SAFETY FOR PEDESTRIANS AT LIKONI FERRY**

*Mr. Speaker Sir I beg to move of the following Motion;*

*AWARE THAT the Kenya Ferry Services Limited provides a link that connects Mombasa to Kwale County and other countries;*

*FURTHER AWARE that the alley way to the ferry on a daily basis is used by many pedestrians making human traffic in that area to be heavy;*

*CONCERNED THAT an alley way for pedestrians has been encroached by hawkers thereby restricting the movement of pedestrians causing unnecessary overcrowding which poses security and safety threat;*

*I urge this House to RESOLVE that;*

1. *The County department of Inspectorate to move with speed to remove the hawkers from the alley way to ease human congestion.*

*(Hon. Mohamed Ndanda moved the Motion)*

Mr. Speaker I therefore urge the Chairman for Transport and Public Infrastructure Hon. Amir Thoya to second this Motion. Thank you.

**Hon. Deputy Speaker** (Mr. Mswabah Rashid): Yes Hon. Thoya.

**Hon. Thoya:** Thank you Mr. Speaker Sir I hereby stand to second the Motion.

**Hon. Deputy Speaker** (Mr. Mswabah Rashid): Yes Hon. Ndanda.

**Hon. Mohamed Ndanda:** Thank you Mr Speaker. Mr. Speaker as I have started by saying that this Motion has come as a result of security meeting, infact most of us know where is Mama Ngina towards the Likoni Ferry, we have the round about to Nakumatt .

That place especially for those people living in the other part of the same tunnel there is the traffic jam and not only the traffic jaming Hon. Speaker but we have a problem where the government has built a very comfortable pedestrian way where we can walk.

Some other people who we normally call them hawkers have encroached the area, they are doing their business there to an extent where the pedestrians are walking with the car which also brings insecurity and also life threats Hon. Speaker.

Hon. Speaker by saying so in fact where we were in a meeting we were told and it has been confirmed that at least three people were killed because of this congestion.

That's why I brought a Motion to this Hon. House that it can also give strength to the Inspectorate department that we remove those people we are not going to prosecute them but we are going just politely tell them that that area is not for business but for the people to pass in that area.

So that the other departments can also now see on how to resettle people but every place which has a purpose has to be dealt with that purpose . Thank you Hon. Speaker.

**Hon. Deputy Speaker** (Mr. Mswabah Rashid): Maimuna.

**Leader of Minority** Hon. (Ms.) Maimuna Salim: Ahsante sana Mheshimiwa Spika.

Nimesimama kuunga mkono, sisi tunajua Mheshimiwa Spika ya kwamba Gavana wetu na *executive* wanang'ang'ana na kazi yao lakini kisha wananchi wale wale ambao wanalia kwetu kuna mambo ambayo yanafanyika ambayo si ya sawa.

Kwa sababu tumetengeneza njia za watu kupita kwa yule mtu mwenye kuvuka kwa miguu lakini tuna acha zile njia zinatumiwa na wachuuzi kufanya biashara ndani ya Kaunti ya Mombasa na kuna wakati mji wetu ulikua msafi sana.

Baada ya wachuuzi kuondolewa watu walilalamika wachache lakini wengi wao wakaona mazao yao, na ndio mpaka sasa kama pale Majengo kuna kile kiwanja ambacho kimejengwa na Mheshimiwa Gavana, ni kwa sababu ya kuondoa watu hawa tuurekebishe mji wetu angalau tuonekane wenye macho mazuri.

Kwa hivyo mimi namuunga mkono Nassir tuangalie hii sehemu moja kwa sababu hawa wachuuzi ndio wanaofanya biashara wanakaa mpaka kwa ndani na ile lami ikaweza kuleta mashimo lawama zikaja kwetu.

Kwa hivyo lazima dakika hii tukiamua kwamba tunawaondoa, kwa sababu kama ni biashara kuna upande ambapo wachuuzi wako, lakini sasa wamechukua barabara zile upande huu na upande huu.

Kwa hivyo mimi ninaunga mkono ya kwamba waondolewe na Kitengo cha *Inspectorate* wafanye kazi yao kusudi tuweze kung'arisha mji wetu na zile kazi ambazo tunazifanya zifahamike kwa sababu wengi wao ni wale ambao hawataki kulipa ushuru ndani ya Kaunti ya Mombasa.

Kwa sababu maduka yako, mahali pa kufanyia biashara kuko, lakini hawa wanafanya uchuuzi kuchafua mji wetu, kwa hivyo mimi ninaunga mkono liweze kufanyika, na Likoni ikianza na sehemu nyengine ifanyike na sehemu nyengine kwa sababu ya kulinda rasilimali za watu wetu na kuangalia uwajibikaji wetu sisi kama Kaunti.

**Hon. Deputy Speaker** (Mr. Mswabah Rashid): Yes Hon. Fatuma Mote.

**Hon. (Ms.) Fatuma Swaleh:** Ahsante sana Mheshimiwa Spika kwa kunipa fursa hii, mimi pia vile vile sina budi kumuunga mkono mwenzangu Mheshimiwa Ndanda.

Wakati wa kupingana ukifika tutapingana lakini maadam ameleta hoja muhimu, sina budi kumuunga mkono.

**Hon. Deputy Speaker** (Mr. Mswabah Rashid): Yes Hon. Mwadziwe what is it.

**Hon. Mwinga:** Ahsante sana Mheshimiwa Spika, inaonekana ufiisadi unaendelea hapa ndani, kwa sababu ninamuona Mheshimiwa Ndanda amemrushia jicho ndio maana akasema ameunga mkono Mheshimiwa Spika.

**Hon. Deputy Speaker** (Mr. Mswabah Rashid): Okay Hon. Fatuma Mote continue please.

**Hon. (Ms) Fatuma Swaleh:** Mheshimiwa Spika, ukiangalia mji wetu wa Mombasa ni mji ambao unapendeza sana na upande wa Likoni kuna msongamano wa watu, na zile bara bara zimejengewa wananchi kupita.

Ni jambo la kusikitisha sana kama watu wanaweza kufanya biashara kwa pembe ya barabara Mheshimiwa spika; sijui wanategemea binadamu wapite wapi.

Mheshimiwa Spika, mimi naunga mkono mia kwa mia na kitengo cha *Inspectorate* iweze kufanya hio kazi leo leo, ahsante sana..

**Hon. Deputy Speaker** (Mr. Mswabah Rashid): Mheshimiwa Zainab Said Ali.

**Hon. (Mrs) Zainab Said:** Ahsante sana Bwana Spika kwa kunipa hii nafasi, hata mimi naunga mkono mia kwa mia kwa sababu hawa wachuuzi wanasumbua sana watu; pale mtu akitaka kwenda Light House Mama Ngina hakuna njia ya kupita ni Tuk tuk, matatu na wachuuzi wako pale wamejipanga, alafu wana jeuri, hata ukikanyaga kitu chao wanakutukana, na wale wenye tuk tuk wanafanya fujo pale kwenye stej.

Tungeomba zile stej ziwe na mpango, zile matatu zikiingia pale ziwe na mpango wa kuingia na njia ya kutoka, na zile Tuk tuk zisisimame barabarani, ziingie katika ....lakini raia watataka kwenda Light House wafuate njia, haja yao nikutaka kupita pale mpaka uzunguke uende mbele State House kule ndio upate njia ya kuingia Mama Ngina.

Kwa hivyo sisi watu wa Kaunti tujaribu sana tuufanye ule mji uwe msafi, maanake kuna watu wanataka kupita, ile stej ipangwe, ahsante.

**Hon. Deputy Speaker** (Mr. Mswabah Rashid): Yes Hon. Patrick Siminyu.

**Hon. Siminyu:** Mr. Speaker, I don't support this Motion.

*(Applause)*

Due to the fact that when you accept something, you accept on the (??) to move it.

Mr. Speaker these are human beings, they want to...(??), some of them, they are .....(??) of bad people you cannot judge everybody, these are human beings trying to earn a decent living, trying to do a small business not everybody can afford to own a shop.

Mr. Speaker we have financial difficulties as human beings and not everybody is equal. Mr. Speaker what am requesting is those people should be handled in a humane manner not just mishandled against.



Mr. Speaker if we have a way of negotiating; talking to them and trying to find a way for alternative ways because the space there near ferry, in fact we had a very extensive meeting with Kenya Ferry when the Chairman of Transport detest to that, we have a lot of contributing factors.

Mr. Speaker even the parking itself needs to be re done so that it can accommodate all people; as Hon. said they are Tuk tuks parking on the road, this indicates that they are a lot of contributing factors to the traffic jam in that area and what am asking Hon. Members is to look into this and see that they are our brothers, I can see Mr. Speaker you want this Motion to pass....

*(Laughter)*

Mr. Speaker you are the one who is pressing the button; what am trying to say, these are our brothers and a few years ago we removed them from the CBD and now they are next to the Ferry away from the CBD.

Mr. Speaker let us try and handle this matter very carefully so that we can see our brothers earn a honest living and also the law is... thank you Mr. Speaker Sir.

**Hon. Deputy Speaker** (Mr. Mswabah Rashid): Mheshimiwa Saad Faraj.

**Hon. Faraj:** Ahsante sana Mheshimiwa Spika kwa fursa hii. Mheshimiwa Spika swala la msaada ulioletwa katika Nyumba hii ni mswada ambao tulikuwa tumeukalia; mmoja katika wale ambao tumeukalia ni Mheshimiwa Patrick Simiyu kutoka eneo la Tudor. Mheshimiwa Spika...

*(Interruption)*

**Hon. Deputy Speaker** (Mr. Mswabah Rashid): Yes Hon. Patrick what is it?

**Hon. Siminyu:** Mr. Speaker there is no way that Hon. said that I sat and agreed, you know you have to sit and agree and you can sit and agree on the agenda of the meeting and disagree on the agenda of that meeting, thank you.

**Hon. Faraj:** Ahsante sana Mheshimiwa Bwana Spika kwa kunipa fursa hii tena, nafikiri maelezo yangu yalikuwa hayaja kamilika na nilikuwa naendelea uzungumzi, ya kuwa Mheshimiwa Patrick .M. Siminyu tulikuwa aje katika mkutano tukashauriana, tukajadiliana na sijasema lolote ya kuwa yeye alikubali ama alikataa.

Kwa hivyo nafikiri yeye kidogo alidandia gari kabla haliojaondoka Mheshimiwa Spika.

Mheshimiwa Spika, kwa hakika sisi tunawakilisha watu kule mashinani, na mpaka ieleweke vizuri ya kuwa wote walioko katika jimbo la Mombasa ni watu ambao ni lazima tuwapatie heshima kulingana na sheria.



Mheshimiwa Spika tumetengeneza sehemu za watu kupitia kando kando ya bara bara, lengo la hio ni wananchi maelfu wanaopita kila leo kuvuka kivuko cha Likoni kuwapatia nafasi nzuri ya kuweza kutembea, wale wanaotembea kwa miguu wapate sehemu kando ambayo ndio hiyo ambayo hivi sasa inatumika na wachuuzi kuuza bidhaa zao.

Mheshimiwa Spika kama nilivyotangulia kusema hapo awali wale wanaofanya biashara ni watu, na wale wanaoshukishwa wakafika kutembea katika barabara, kugongwa na magari, kuibiwa katika ule msongamano pia ni watu...

*(Applause)*

Na sisi tuko hapa kuwakilisha watu wote, lakini kisheria na sheria imesema wazi sehemu ambayo imetengewa watu kupita ili watakapo vuka katika kile kivuko cha Feri, kitumike kwa ile kazi ambayo imetengezewa Mheshimiwa spika.

Leo sehemu ambapo panafaa kupitiwa na watu ndio pamekuwa maduka na mabiashara ya watu kuweka na kufanya biashara zao Mheshimiwa spika.

Wanafanya kinyume na sheria, Mheshimiwa Spika mimi naunga mkono vilivyo mswaada huu, vile vile namuunga mkono ya kuwa watu hawa wakiondolewa wachukuliwe mahali pengine wawekwe kwa ajili ya biashara zao lakini sio sehemu ile, ahsante.

**Hon. Deputy Speaker** (Mr. Mswabah Rashid): Mheshimiwa wa Khardati.

**Hon. Odari:** Ahsante sana Mheshimiwa Spika kwa kunipa fursa hii. Mheshimiwa Spika nataka kuunga mswaada mkono kwa kuwa nafikiri pamoja na kuunga mswaada huu mkono, nataka kukubaliana na msemaji aliyetoka sasa hivi Mheshimiwa Saad wa Tononoka na Mheshimiwa Maimuna kwa sababu ya mswada aliotoa kulingana na hali ya Likoni Feri.

Mheshimiwa Spika Likoni Feri ni kweli hali ya mambo ya usalama ni mahali ambapo pana hatari kubwa, na ikitokea kwa mfano janga pale Likoni Feri basi watu wengi watapoteza maisha; sababu watu wanaopita Likoni Feri ni wengi zaidi.

Kwa hiyo Mheshimiwa Spika usalama wa wale watu wanaotumia feru lazima tuzingatie, hususan wale watu wanaopita kwa miguu kuingia ile feru, lakini mimi nina wazo kwamba pale mahali pawe pana stej pale mahali magari yanapitia na pa abiria hivi sasa pamekuwa pabaya sana.

Ombi langu ni kutengezwe hapo mahali ili kusiwe na mkunjano, na wale ambao ni wafanyi biashara wapelekewe vibanda vyao mbali vimepotea ili kusiwe na msongamano kwenye njia na wale wanaotumia miguu wapate nafasi ya kupitia bila kuibiwa mizigo yao bila kuibiwa mikoba yao.

Mimi nasema kwamba hao wote wanaopita kwa miguu na wale ambao wanafanya biashara ni wananchi wa Kenya na sisi kama viongozi lazima tuonyeshe kuwa tunawajali wote huku na huku, sababu hio pia ni jambo muhimu kwamba hali na mipangilio lazima iwe pale, sio masuala ya kuwafukuza tu peke yake lakini kuwe na mpangilio ya kwamba pale mahali penyewe hata zile matatu ambazo zinazunguka pale, hakuna mpangilio pale.

Ukienda pale *drama* tupu, magari hayaagezwi vizuri kila kitu kiko kwa hali ambayo haistahili, kwa hivyo tuanze na sisi wenyewe tuweke stej pale ili kusiwe na msongamano, ahsante Mheshimiwa Spika.

**Hon. Deputy Speaker** (Mr. Mswabah Rashid): Mheshimiwa Stephen.

**Hon. Wangudi:** Ahsante Mheshimiwa Spika kwa fursa hii na mimi niweze kuchangia katika mswada ambao umeletwa katika Jumba hili na Mheshimiwa Mwakilishi wa Kadzandani ambaye ni Mheshimiwa Ndanda.

Mheshimiwa Spika ningetangulia kusema ya kwamba mswada huu ni mzuri sana, mswada huu una manufaa na umekuja kwa wakati mzuri lakini ninatofautiana na ombi lililokuja baada ya maegezo kutoka kwa Mheshimiwa ambaye yuko hapa chini.

Ameeleza ya kwamba ya kwamba kitengo cha Inspectorate iende kwa haraka kuondoa wale watu Mheshimiwa Spika.

Mheshimiwa Spika tunapo unga mswada huu mkono namna ulivyo na lile ombi ambalo limeletwa kuna uwezekano hata baada ya ombi lile watu wa kitengo cha *Inspectorate* wakatoka kwa haraka kuenda kuwakanyaga watu wetu pale Likoni.

Mheshimiwa Spika ninapoketi katika hichi kiti chako nakiheshimu sana na kiti hicho umekikalia kwa sababu ya wakaazi wa Mombasaa na Mombasa hii kila mmoja wetu anafahamu ya kwamba asilimia 75 hawana ajira.

Mheshimiwa Spika na watu hawa wanahangaika kutafuta mkate wao wa kila siku, ikiwemo wale ambao wanafanya biashara ndogo ndogo pale kwenye mlango wa Feri.

Mheshimiwa Spika kuondolewa kwao ni sharti tuweke mikakati ikiwa hakuna mahali pa kuwaweka...

*(Interruption)*

**Hon. Deputy Speaker** (Mr. Mswabah Rashid): Yes Hon. Fatuma Mote.

**Hon. Wangudi:** Tuwape mda wa kujipanga kuondoka mahali pale bila fujo Mheshimiwa Spika...

**Hon. Deputy Speaker** (Mr. Mswabah Rashid): Hon. Mote. Hon. Wangudi, just one minute.

**Hon. (Ms.) Fatuma Swaleh:** Ahsante sana Mheshimiwa Spika. Kwanza Mheshimiwa Spika kabisa ningependa Mheshimiwa Wangudi aweze kuzungumza sawa sawa; kwa maanake ametumia lugha mbaya akisema kwamba *Inspectorate* wanakanyaga watu, hilo la kwanza la pili yuatafikana afahamu wale ambao wanafanya kazi pale na wale ambao wanapita pale waliopata majeruhi na wale waliouwawa wote ni watu na wote ni wetu vile vile.

Sasa afahamu na wanaofanya biashara pale ni wetu vile vile na hatukanyagi mtu Mheshimiwa Spika.

**Hon. Deputy Speaker** (Mr. Mswabah Rashid): Hon. Wangudi I think this is a Motion and the prayer is actually the Motion is the prayer itself, if you don't agree with the prayer then you are opposing the Motion.

It's okay if you oppose the Motion you can either oppose the Motion or propose it so you make a choice, are you supporting the Motion or you are not supporting the Motion?

**Hon. Wangudi:** Mr. Speaker am opposing the Motion.

**Hon. Deputy Speaker** (Mr. Mswabah Rashid): That's okay, now continue.

**Hon. Wangudi:** Mheshimiwa Spika swala ambalo tunatakiwa tulizingatia katika mswada huu ni utaratibu wa kuwaondoa wale watu; utaratibu wa kuwaondoa wale watu unafaa uzingatiwa kwa huu mswada, ya kwamba baada ya muda fulani mnafaa muondoke hapa mahali.

Mheshimiwa Spika hivi tunavyozungumza baadhi yao ni watu ambao walienda benki kwenda kuchukua mikopo ili waweze kuongeza mali pale na sasa tunawataka waondoke watakosa mahali pa kufanya biashara zao na wataishia jela.

Mheshimiwa Spika pale kuna zaidi ya familia 1000; familia moja iko na watu wangapi? Tupige hesabu na sisi tukiwafurusha watu kama hawa....

*(Interruption)*

**Hon. Deputy Speaker** (Mr. Mswabah Rashid): Yes Hon. Saad Faraj?

**Hon. Faraj:** Mheshimiwa Spika nafikiri baadhi yetu kwenye hii Nyumba tunafikia sehemu ya kutimiza majukumu yetu kwa sababu sisi tuko hapa kisheria na ndio maana tuko katika Jumba hili na wengine hawahusiki kuingia hapa ni kwa sababu ya sheria.

Sheria zile zile ambazo sisi tunaziunda katika Jumba hili kuwapatia maisha mema na maisha bora watu wetu kule mashinani, Mheshimiwa Spika ikiwa ndugu yangu Mheshimiwa Wangudi

atazungumza anavyozungumza nafikiri atakuwa anakiuka maadili mema na lengo na shabaha ya kuwepo katika Nyumba hii.

Mheshimiwa Spika Mheshimiwa Wangudi amezungumza kuwa tutamkosesha mtu pahali pakumkosesha kufanya biashara, pale si mahali pa kufanya biashara pale kisheria ni sehemu ya watu kutembea, sehemu ya watu kuwa katika usalama tumewawekea ile sehemu kuwapatia njia na usalama wao kuepukana na maafa ambayo yashawahi tokea mwaka jana.

Mheshimiwa Spika jumla ya watu watatu waligongwa pale kwa sababu watu wanatembea barabarani huku kuhofia wengine wanafanya biashara.

Ni haki ya kila mmoja lakini kwa sehemu zinazofaa tumetengeneza zile sehemu ili watu waweze kutembea na magari yapate nafasi yake ya kutembea; hivi sasa mkokoteni uko barabarani, wananchi wako barabarani, magari yako barabarani, baiskeli ziko barabarani unatumia saa moja zima kumaliza ile sehemu ya mita 100 na saa moja na nusu hapa hapa.

Mheshimiwa Spika watu wanaibiwa ukitaka kutoka unafungiwa mlango hao pia ni wananchi wanaoathirika.

**Hon. Deputy Speaker** (Mr. Mswabah Rashid): Yes Hon. Wangudi you can continue.

**Hon. Wangudi:** Mheshimiwa Spika yatakikana tuwe na ufahamu na tunapoongelelea maneno haya tusiwe na hamasa tuweze kutafakari, hatuwezi kufanya makosa kwa kurekebisha makosa hilo ni swala ambalo haliwezekani.

Mheshimiwa Spika mimi na kuhakikishia ya kuwa wengi wa wale ambao wanaunga mkono mswada huu ni wale ambao wanakwama kwenye msongamano wa magari yaani unaweza kueleza kwamba....

Mheshimiwa Spika ule msongamano wa magari ambayo uko pale Feri....

*(Interruption)*

**Hon. Deputy Speaker** (Mr. Mswabah Rashid): Minority Leader Hon. Maimuna what is it?

**Leader of Minority Hon. (Ms.) Maimuna Salim:** Mheshimiwa Spika naona Mheshimiwa mwenzetu Mheshimiwa Wangudi anataka kupotosha Bunge hili kwa sababu sio wote tunaishi Mama Ngina lakini tunaangalia haki ya yule mkaaji na yule mfanyi biashara na mchuuzi.

Kwa hivyo wote wana haki, tukiangalia katika upigaji kura wote wametupigia kura sisi kazi yetu nikutekeleza kazi yetu kama Waheshimiwa.

**Hon. Deputy Speaker** (Mr. Mswabah Rashid): Mheshimiwa Wangudi you have only 30 seconds to wind up, am counting 30 seconds.

**Hon. Wangudi:** Mheshimiwa Spika nikiendelea ningependa kusema msongamano wa magari ule haisababishwi na wachuuzi inasababishwa na magari kama vile Mheshimiwa Jimmy Odari alivyosema.

Pale mahali Mheshimiwa Spika panahitaji marekebisho na endapo mahali pale patarekebishwa basi msongamano wa magari ule haitakuwa tena na iwapo tunatoa watu wetu tuwe na mpangilio mzuri wa kuwaondoa bila ya kuwanyanyasa na watoto wao wako shule hawana lishe hawana kazi.

**Hon. Deputy Speaker** (Mr. Mswabah Rashid): Hon. Enock Mwachiziwe.

**Hon. Mwinga:** Ahsante sana Mheshimiwa Spika kwa kunipa nafasi hii na mimi nikaweze kutoa mchango wangu. Mheshimiwa Spika nasimama hapa kuipinga hoja hii...

*(Applause)*

Mheshimiwa Spika naipinga hoja hii kwa sababu wale wachuuzi pale tukisema tunawatoa tutawapeleka wapi?

Mheshimiwa Spika ni watu na familia zao na sisi tulipokuwa tunafanya Kampeni tuliwaahidi wakaazi wetu kwamba hatuna kazi za makampuni lakini tutawatafutia kila namna ili wakaweze kufanya mabiashara.

**Hon. Deputy Speaker** (Mr. Mswabah Rashid): Yes Hon. Zainab Said Ali.

**Hon. (Mrs.) Zainab Said:** Mheshimiwa Spika ahsante sana kwa kunipa nafasi hii namuuliza Mheshimiwa wale walioondolewa pale Posta, wale walioondolewa pale Marikiti wanawasomesha watoto wao ama hawawasomeshi? Wanawasomesha, sasa si wale wa pale Likoni wakatae ile nafasi ndio watoto wao ndio hawatasoma ikiwa ni nafasi ya kusongea nyuma na sio ya kukaa barabarani, Marikiti walikuweko na pale Posta walikuweko na wakaondolewa na wakupata nafasi ya kuuza na ikiwa wao ni wafanyi biashara tutawapeleka Mwakirunge.

*(Laughter)*

**Hon. Deputy Speaker** (Mr. Mswabah Rashid): Yes Hon. Saad Faraj?

**Hon. Faraj:** Mheshimiwa Spika ahsante sana kwa fursa hii kwa mara nyengine inaonekana kana kwamba wale wanaowakilisha maeneo kando na jiji la Mombasa hawaelewi hii shida.

Kwa sababu sisi ambao kwamba tunakaa jiji la Mombasa tunawakilisha watu ambao wako katika jiji la Mombasa sisi ndio ambao tunaathirika na sisi wakiwa wameathirika kwa mambo yao ya taka kule Mwakirunge Mheshimiwa Spika sisi huwa wa kwanza kuwaunga mkono.

Hii shida ni ya watu wetu Mheshimiwa Spika; watu watatu walikufa mwaka jana na ni watu wa kutoka hapa kwetu, kwa hivyo tunasimama ya kusema kuwa haki lazima ifuatwe na lazima ndugu zetu watolewe na ikiwa nikutunga tutunge kwa maslahi ya watu wetu wa Mombasa.

**Hon. Deputy Speaker** (Mr. Mswabah Rashid): Hon. Patrick Siminyu point of information yah please...

**Hon. Siminyu:** Thank you Mr. Speaker I just want to inform this House that I came from a humble background; I owned a business like those which are un recognised in the CBD and i took bank loans.

Mr. Speaker I was completely affected and if you look at another political aspect there are people who are taking loans and this is a concern of our people and we should know these things. Thank you.

**Hon. Deputy Speaker** (Mr. Mswabah Rashid): Mheshimiwa Enock you have 20 seconds only.

**Hon. Mwinga:** Mheshimiwa Spika kwanza niruhusu kidogo nimjibu Mheshimiwa Mama Kaunti...

*(Interruption)*

**Hon. Deputy Speaker** (Mr. Mswabah Rashid): You should address me and not Mama Kaunti....

*(Interruption)*

**Hon. (Mrs.) Zainab Said:** Sitaki kujulishwa.

*(Laughter)*

**Hon. Mwinga:** Mheshimiwa Spika kupitia kwa kiti chako ningependa kueleza katika Bunge, kupitia kwa kiti chako ningependa kueleza Bunge hili kwamba wale wachuuzi ambao walitolewa CBD ni wale wale ambao wameenda kule Likoni.

Kwa hivyo tukisema kila mahali tunawafukuza Mheshimiwa Spika tutawapeleka wapi? Mheshimiwa Spika...

*(Loud consultations)*

**Hon. Deputy Speaker** (Mr. Mswabah Rashid): Order Members consult silently!

**Hon. Mwinga:** Mheshimiwa Spika msongamano pale Feri hausababishwi na wachuuzi; shida ni kwamba wale wanaovuka kile kivuko wameongezeka, watu wameongezeka.

Mheshimiwa Spika mimi ninashangaa kwa sababu Kenya Ferry bado wanakiwanja kikubwa pale wangetengeneza ili watu wanaovuka feri waweze kukutumia pale mahali lakini utapata Kenya Ferry wamezungusha waya ile nafasi na ile nafasi haitumiki.

Kwa hivyo shida ya Kenya Ferry pale ni kwamba kuna nafasi ambayo Kenya Ferry wanatakikana watengeneze ili wapitaji wapite vizuri lakini wachuuzi wetu ni watu waadilifu, ni watu wazuri wanaendesha biashara zao vizuri lakini wale ambao wanaibia watu Mheshimiwa Spika ni sisi kama Mombasa Kaunti tupeleke maaskari wetu ili waende...

*(Interruption)*

**Hon. Deputy Speaker** (Mr. Mswabah Rashid): Two minutes remaining continue.

**Hon. Mwinga:** Ahsante Mheshimiwa Spika nataka kusema ya kwamba *Inspectorate* wetu wapelekwe pale Likoni ili waangalie nidhamu ya watu wanaopitia mahali pale kwa sababu wale wanaoiba pale sio wachuuzi ni watu wanaotumia nafasi hiyo kuibia watu.

Kwa hivyo *Inspectorate* wapelekwe pale ili kuangalia hakuna uhalifu wowote unafanyika ila sio kwenda kuondoa wachuuzi. Ahsante Mheshimiwa Spika.

**Hon. Deputy Speaker** (Mr. Mswabah Rashid): Yes Hon. Kondo and then Hon. Bekitsao and then Hon. Lucy Chizi and finally Hon. Ndanda.

**Hon. Ibrahim Kondo:** Ahsante Mheshimiwa Spika maana kidogo ulikuwa kipofu lakini sasa unaona; kwanza kabisa kama Mwenyekiti wa Biashara na Kawi katika Kaunti yetu ya Mombasa nilikuwa ni mmoja wa wale walioweza kuhudhuria mkutano asubuhi, ni mkutano wa kupanga jiji letu la Mombasa.

Mheshimiwa Spika suala lililoko hapa si geni kwa mji wetu na ikiwa tunaenda kwa miondoko ambayo haitakubalika kisheria itakuwa ni heri wawe ndani ya soko la Kongowea.

Mheshimiwa Spika sisi kila leo itakuwa tunanyooshea vidole uongozi na ikiwa jambo linatakikana lifanyike linavyotakikana tusimame imara na kuliunga tusiwe leo tunapenda kusifu nchi zetu kwa majirani zetu.

*(Interruption)*

**Hon. Deputy Speaker** (Mr. Mswabah Rashid): Hon. Kondo you have not stated if you are supporting or not?

**Hon. Ibrahim Kondo:** Mimi naunga mkono mia fil mia ....

*(Applause)*



Mheshimiwa Spika nchi zilizoendelea zina taratibu tusikae hapa na kusema mimi nakaa hapa kama Muamerika wakati wewe mwenyewe hutaki kuweka taratibu kwenye nchi yako.

Mheshimiwa Spika shirika la World Bank lilijitolea kutengeza njia y miguu ama njia ya kupita ya wananchi wetu kando ya barabara ...

*(Applause)*

Na ni gharama kubwa ambayo ilitumika kutengeneza njia ile kutoka jiji kuu letu mpaka ndani za feri, Changamwe, Kisauni na wodi zengine, hayo yote ni kwa sababu ya usimamizi mzuri wa barabara.

Mheshimiwa Spika itakuwa ni kinyume barabara imetengenezwa leo mita 20 unatumia zaidi ya masaa mawili kwa sababu wananchi wana *divert attention* zao kutumia barabara kwa sababu nafasi zao zimechukuliwa na wachuuzi.

Mheshimiwa Spika mimi kama Mwenyekiti wa Biashara tuna miundo msingi wa kuhakikisha kwamba watu wale wanatafutiwa sehemu mwafaka ili waendeleze biashara zao.

Mheshimiwa Spika tukiendelea na namna hiyo hata kesho ndani ya Nyumba yetu tutaruhusu watu wafanye biashara hapa....

*(Applause)*

Sasa ningeomba kiongozi wenzangu, Waheshimiwa wenzangu ikiwa tunawapenda watu wetu nafikiri hata wale wengine ambao ni Wanakamati hawatakubali mbele ya nyumba zao haswa watu waje waanze kuweka vibanda waanze kuweka biashara mbele ya nyumba zao itakuwa ni usumbufu kwa wale wanaotumia upande wa nyumba hiyo.

Kwa hiyo ilikuwa nawaomba Waheshimiwa tuunge mkono jambo hili ili tuimarishe jiji letu, tuusafishe mji wetu ili Kaunti hii iweze kuwa juu Mheshimiwa Spika.

Mheshimiwa Spika nataka kumalizia kwa kusema kuwa tunawapenda wachuuzi wote na tuko nao na tutahakikisha biashara zao tumezilinda na tutaimarisha kupitia kwa uongozi wetu wa Kaunti. Ahsante sana Mheshimiwa Spika.

*(Applause)*

**Hon. Deputy Speaker** (Mr. Mswabah Rashid): Mheshimiwa Saad, Mheshimiwa Riziki.

**Hon. Fundi:** Ahsante sana Mheshimiwa Spika ningependa kukumbusha Jumba hili kwamba Katiba yetu ya nchi imewapatia kipao mbele sana kuwajumuisha wananchi wakati tunapotaka kutunga sheria yeyote kwa Kiingereza wanasema *public participation*.

Mheshimiwa Spika mswada ambao uko mbele yetu si mswada mbaya lakini wakati ambao umekuja katika Bunge hili ni wakati mbaya.

Mheshimiwa Spika suala la kuwaondoa wale wanabiashara pale ni suala nzuri lakini kabla hatujachukua hatua kuwaondoa wale watu kwanza tuwajulishe kwa nini tunawaondoa na pia tuwatafutie mahali mbadala kabla hatujawatoa.

Mheshimiwa Spika suala la msongamano katika barabara halianzi pale Likoni, hata katika soko letu kuu la Kongowea hiyo shida pia iko ndio maana serikali kuu ikachukua jukumu la kuweza kujenga soko jipya ndani ya ile soko ili wale wachuuzi walioko barabarani waondolewe, kwa hivyo wametafutiwa mahali mbadala alafu wambiwe wanatafutiwa mahali maalumu.

Kwa hivyo Mheshimiwa Spika swala la usalama ni kweli wananchi wanapita barabarani lakini swala la pia wale wananchi wanajitafutia maisha wale watu ambao wako pale wanajitaftia kujikimu maisha yao na mahali pale wamekua mda mrefu na sisi tumekua tukiwaangalia.

Kama tumeona iko haja ya kuondoa nafikiria kama Kamati ingechukua jukumu na kwenda katika sehemu ile kuwafahamisha kwamba sisi kama Kaunti ya Mombasa tunahitaji hapa mahali pawe salama na nyinyi tunajua mnafanya maisha yenu lakini kwa sababu ya usalama wa hapa mahali tungependa kuwatoa tuwapeleke sehemu nyengine ili tuweze kuwahusisha katika jukumu la mambo yao.

Siku zote waswahili wanasema, ghafla ni mbaya, tukiwatoa wale watu ghafla tuwaondoe bila kuwatafutia mahali mbadala tutakua hatujengi tunabomoa.

Nataka tukumbuke ya kwamba sisi kama viongozi ambao tumechaguliwa kupitia kura na haswa kiongozi wetu wa Mombasa Hassan Ali Joho anatarajia kupigania kiti chake tena kama Gavana na itakua sio jambo la maana wakati huu ambao watu wanaenda kwa kura tuanze kuleta fikra mbaya kwa watu.

Inatakikana tuwe tumeshauriana nao tumewapangia mahali mbadala ili wao wajue kwamba pia sisi tunaangalia maslahi yao lakini ikiwa leo tutapitisha sheria hii hapa na kesho tuamuru kitengo chetu cha usalama kiende pale kiwatoe bila ufahamu wowote tutakua sisi wenyewe pia hatujitendei haki na itakua pia wale watu hatuwatendei haki.

Kwa hivyo mswada huu ni mzuri lakini wakati ambao umekuja sio mwafaka kwa hivyo Mheshimiwa Spika mimi nasimama hapa kupinga mswada huu, ahsante.

**Hon. Deputy Speaker** (Mr. Mswabah Rashid): Yes Hon. Lucy, Yes what is your point of information?

**Hon. Ibrahim Kondo:** Mheshimiwa Spika nataka Nyumba hii ielewe iko na kazi yake; ikiwa mtu amekosa utamwambia amekosa, ile sehemu hata wao wanajua sio sehemu ya

kutandaza vitu, nikiongea ni kwamba sehemu ile ina umati mkubwa inayotumia sehemu ile, kuna watumiaji wa mikokoteni, kuna walemavu wanatumia sehemu ile, kuna mabodaboda na Tuktuk.

Kwa hivyo ni lazima wajue baraza zile zimetengezwa ili kutumika na wananchi na hakuna aliewatengezea sehemu ile kuwaweka pale isipokuwa ni wao wenyewe walichukua hatua hiyo na kipindi cha nyuma walikua wanaondolewa wananarudi sisi twawapenda zaidi na ndio sababu tumechukua hatua hiyo kupelekana nao kuhakikisha wametoka sehemu ile hakuna mtu ataenda kutumia nguvu isipokua kuwafahamisha hii sehemu madhumuni yake ni moja, mbili..

*(Interruption)*

**Hon. Deputy Speaker** (Mr. Mswabah Rashid): That's a point of information and you are saying things that have already been talked, Yes Lucy?

**Hon. (Ms.) Chireri:** Ahsante sana Mheshimiwa Spika mimi naunga mkono hoja hii moja kwa moja, naona hoja hii imejieleza wazi, kitu ambacho tungeelewa sisi kama Wabunge ni lazima tuwe wastaarabu.

Sehemu ambayo imetengwa imejieleza wazi ni ya wananchi kupitia, leo hii tukubaliane hawa wachuuzi waweke bidhaa zao; watoto, watu wazima wanapitia pale ndio tunaleta msongamano.

Kwa hivyo hoja hii tuiangalie vizuri tuipitishe ili tuwe wastaarabu tushinde kuangalia huku na huku na kitu kimeeleza wazi njia zimetengezwa, barabara zimetengezwa vizuri.

Twashukuru Mheshimiwa Gavana ameweza kuangalia hali zetu za maisha akaona hali mbaya, mwananchi amewekewa mahali pake pa kutembea magari yametengewa mahali pake pa kutembea, kwanini sasa tujichanganye wenyewe tusiangalie huu ustaarabu ambao tumepewa kama biashara kando, wacha mwananchi nae aweze kufurahia ugatuzi, ahsante sana.

**Hon. Deputy Speaker** (Mr. Mswabah Rashid): Yes Hon. Hatimy, then Amir Thoya.

**Hon. Mohamed Hatimy:** Mheshimiwa Spika katiba yetu 36 iko wazi kila mtu ako na uhuru wa *movement*; *movement* hii inatokeana na wapi? Tukiangalia nafikiri lawama yaenda kwa Kaunti maanake mpaka leo Kaunti ukiwauliza kitu chaitwa *data* hawawezi kukupatia kwa sababu hawajui wachuuzi walioko ni wangapi, wapi na vipi wanafanya biashara.

Tukiangalia zile sehemu zilizotengewa wachuuzi hazijulikani ndani ya Mombasa, hii hivi sasa kuwa Kaunti ina uwezo wa kuzuia mtu kuwa kwa CBD, CBD inasema kisiwani kote ni CBD na kuna agizo la korti ya uchuuzi ndani ya CBD ikikua hawa wawe watu ambao wanajulikana, wawe wamevaa nguo, wana vitambulisho ambavyo wakionekana yajulikana hawa ni kina nani, wanafanya nini.

Leo tukiangalia tumekua na shida na mwanzo twaambiwa hoja hii ni nzuri lakini kusema kuwa sio nzuri kuwa eti imekuja wakati sio sawa, wakati wa sawa ni lini?

(Applause)

Nafiiri tutaomba kitengo cha *Inspectorate* waendeleo na kazi yao, lakini twataka kuwaomba kwamba wao kama wamepatiwa notisi ambao waweze kufwata notisi, hawa watu waondolewe kwa amani wasitiwe mbaroni na pia watafute mahali ambapo wataweza pelekwa ...

(Applause)

Pale sehemu ya stesheni pamewekwa pana sababu yake nafikiri pia kuna watu walijaribu kujenga na watu wakaenda wakavunja pale na watu wakaenda kortini na watu wakatoa agizo kuwa pale hapafai kujengwa.

Kwa hivyo nasimama mbele ya Nyumba hii kuunga mkono hii hoja na pia napenda kumwambia Mwenyekiti wa Kamati walioleta huu Mswada waende wakae na hawa kutoka kitengo cha *Inspectorate* waambie kuwa ikiwa watafanya hii kazi wasitie mbaroni mtu yoyote, twajua kweli watu wanatafuta rizaki lakini wambiwe waondoke kwa njia inayofaa, ahsante sana.

(Applause)

**Hon. Deputy Speaker** (Mr. Mswabah Rashid): Yes Hon. Amir Thoya.

**Hon. Thoya:** Ahsante sana Mheshimiwa Spika nimesimama kwa ajili ya kuunga mkono hoja ambayo imeletwa katika hii Nyumba, mara nyingi watu wanasema kama huwezi mvuke basi usingie jikoni....

(Applause)

Sisi tumeletwa katika Nyumba hii kwa ajili ya kutengeza sheria; sheria ambazo zinategemewa kutumiwa na wakaazi wengi wa mji wetu wa Mombasa.

Naungana mkono na wenzangu kwa sababu kila sehemu ina kazi yake na nafikiri leo tumefanya mkutano mkubwa sana kwa ajili ya kuzungumzia masuala haya na masikitiko makubwa ni kwamba sisi tumeletwa hapa kutekeleza kazi za watu wetu wa Mombasa na mara nyingi wale ambao wanatakiwa wawe katika vikao ni waheshimiwa hawa hawa ambao wanahepa kukaa katika vikao vile muhimu ambao vinasaidia kutengeza sheria....

(Applause)

Wakija kwa Nyumba wao wanakuwa ni wa kwanza kuunga mswada ambao unastahili kujadiliwa katika zile sehemu za mikutano; ukweli wa mambo ni kwamba yale ambao tumeyazungumza leo iwapo wangekuwa katika vikao vile hawangezungumza yale yanazungumzwa hapa....

*(Applause)*

Kwa sababu tumekaa na idara ya *Inspectorate* tumezungumza nao tumekubaliana mpaka ile lugha ambayo itatumika kuzungumza na hawa wafanyi biashara kando ya barabara, Mheshimiwa Spika haitakua sawa mfano barabara ni ya kupitia magari abiria achukue nafasi ya kutembea kwa miguu bila shaka ajali inaweza kutokea.

Hivi sasa wafanyi biashara wale wamelazimisha abiria kusongamana kwa barabara na magari ili kuweza kuhakikisha kwamba wanapata nafasi za kupitia kitendo hicho.

Tayari imeweza kuhatarisha maisha ya wakaazi wetu wa Kaunti ya Mombasa, sehemu ziweze kutengwa kutumiwa na abiria wanaopita kwa miguu, kwa hivyo hakuna hata mmoja atatumia nguvu isipokuwa sheria na masharti yatatumika ili wale wakaazi wapate nafasi, wakaazi wetu waweze kupita katika sehemu zile kwa njia ya nidhamu, ahsante Bwana Spika.....

*(Applause)*

**Hon. Deputy Speaker** (Mr. Mswabah Rashid): Yes Hon. Ogalo.

**Hon. Ogalo:** Ahsante sana Bwana Spika, mimi nimesimama kupinga hii hoja, eneo Bunge la Likoni hakuna hata kampuni moja imealika watu na watu wa Likoni ndio wanafanya biashara pale...

*(Interruption)*

**Hon. Deputy Speaker** (Mr. Mswabah Rashid): Yes Hon. Saad Faraj.

**Hon. Faraj:** Na ndio maana huwa tunatakiwa tuwe hapa wakati wote kuzungumzia maswala haya Mheshimiwa Spika, maswala yanayozungumziwa ni ya Mvita, Old town sijui mambo ya Likoni yameingilia wapi .....

*(Applause)*

Swala ni la Mvita na sisi ni Wana Mvita na tumeona kuna shida Mheshimiwa Spika, ahsante.

**Hon. Ogalo:** Mheshimiwa Spika kama nasema hivyo najua sababu gani nasema hivyo wale ambao wanafanya biashara pale ni wa Likoni.....

*(Interruption)*

**Hon. Deputy Speaker** (Mr. Mswabah Rashid): Yes Hon. Kondo?

**Hon. Ibrahim Kondo:** Ahsante Mheshimiwa Spika, tukianza kuhesabu namna hiyo basi naona itakua vyema azuie watu wake wa Likoni wafanyie kule....

*(Laughter)*

Ikiwa watakua wanaingia sehemu zengine kwa sababu wao ni watu wa Likoni itakuwa twafanya kosa, ni wananchi wetu wa Kenya na ni Wakilishi wa Kaunti ya Mombasa, ahsante Bwana Spika.

**Hon. Ogalo:** Ahsante sana Mheshimiwa Spika mpaka nitoe maoni yangu na mpaka Bunge isikie maoni yangu iko vipi, usilazimishe kitu ambacho wewe unajua mimi napinga kwa sababu wale watu ambao wanafanya kazi pale wana watoto ambao wanawapeleka skuli..

*(Interruption)*

**Hon. Deputy Speaker** (Mr. Mswabah Rashid): Yes Hon. Saad.

**Hon. Faraj:** Mheshimiwa Spika hata wale waliopoteza maisha mwaka jana walikua na familia zao, wale wanaopigwa na kunyanganywa pia wana familia, tukizungumza ni lazima tuzungumze kwa haki na hili ni eneo la Mvita na sijui ametumia mbinu gani kujua wale walioko pale ni wa eneo lake, labda atufahamishe alikua na hesabu ya kujua wale watu ni wake lakini sisi twazungumzia haki sawa kwa wote kulingana na sheria, ahsante...

*(Applause)*

**Hon. Deputy Speaker** (Mr. Mswabah Rashid): Yes Hon. Maimuna.

**Leader of Minority (Ms.) Hon. Maimuna Salim:** Alafu jambo lingine nafikiri itakuwa si zoezi la kwanza sisi kama Waheshimiwa ilifanyika Marikiti ilifanyika, Mwembe Tayari na watu wamezoea, Majengo na maisha inaendelea.

Kwa hivyo hii hatugusi mtu isipokuwa tunataka kuhakikisha kwamba mji wetu ni msafi na kila mtu anaridhika...

*(Interruption)*

**Hon. Deputy Speaker** (Mr. Mswabah Rashid): Tom Ogalo.

**Hon. Ogalo:** Mheshimiwa Spika ningemwambia Mheshimiwa Saad ya kwamba wale ambao wako pale si wezi pekee yake Mombasa Kaunti si pale pekee yake hiyo kama ni wezi ni pahali pote ningeomba kwamba kwa hisani ya Bunge hili wawache wale watu mahali pale...

*(Loud consultations)*

**Hon. Deputy Speaker** (Mr. Mswabah Rashid): Member's let him contribute.

**Hon. Ogalo:** Wafanye biashara yao ili wapate chakula yao ya kila siku...

*(Loud Consultations)*

**Hon. Deputy Speaker** (Mr. Mswabah Rashid): Members order! Let's respect his views.

**Hon. Ogalo:** Mheshimiwa Spika mimi natoa maoni yangu na mimi najua kwa nini nasema wale watu ni wangu kwa sababu najua wale ambao wananipigia kura na kila mtu hapa Bungeni hapa kila mtu ako na maoni yake sio kwamba kama uko na hoja ati lazima niunge hiyo haiwezekani...

*(Applause)*

Usilazimishe kwamba waenda huko na mimi naenda huko nimepinga na nimepinga.

*(Applause)*

**Hon. Deputy Speaker** (Mr. Mswabah Rashid): Yes Hon. Boma? Suleiman Boma.

**Hon. Boma:** Ahsante sana Mheshimiwa Spika kwa kunipa nafasi hii mimi pia naunga mkono moja kwa moja .....

*(Applause)*

Lakini kuunga kwangu mkono kutategemea kama Mheshimiwa Mohamed Hatimy watu hawa ni watu wetu na watu hawa wanapata riziki pale.

Kwa hivyo watu hawa wakihamishwa wapelekwe mahali pengine ambako waende kujitafutia riziki bila ya hivyo tunaona hali ya usalama katika Mombasa hali ilivyo kama watu hawa watakosa mahali pengine pa kufanyia biashara basi huenda hali ya usalama ikazidi kuongezeka kuwa mbaya.

Kwa hivyo mimi naunga mkono lakini watafutiwe mahali pengine wafanye biashara. Ahsante Mheshimiwa Spika.

*(Applause)*

**Hon. Deputy Speaker** (Mr. Mswabah Rashid): Yes Hon. Patrick Simiyu you have already contributed...

*(Loud consultation)*

What do you want to say, what is it? But do not contribute because you have done so.

**Hon. Siminyu:** Hon. Speaker when someone says they support this Motion with ammendments let the amendmets be written .Thank you.

**Hon. Deputy Speaker** (Mr. Mswabah Rashid): Ok, Hon. Ndanda can you reply?



**Hon. Mohamed Ndanda:** Ahsante Mheshimiwa Spika, mwanzo ningetaka kushukuru wote kwa sababu wametoa hisia zao za ukweli.

Kwa hivyo Mheshimiwa Spika mimi nataka tu niseme ya kwamba hivi ambavyo tumezungumza hapa si kwamba tumechukia mtu na nafurahi sana Mheshimiwa Saad Faraj wa Tononoka amejaribu kuweka maneno sawasawa.

Mheshimiwa Hatimy (??) sawasawa vile ya kwamba kuna wale wanaodhurika kwa sababu ya watu wengine ni sawasawa na vile Mheshimiwa Spika mtu anajua hii ni shamba ya Mheshimiwa wa Tudor anaenda anajenga ati kwa sababu alitupigia kura tumuache aibe mali ya watu ndio swala ambalo liko hapa....

*(Applause)*

Mheshimiwa Spika ukiangalia vizuri wale watu pale si kwamba twawaonea na mimi naomba kwa sababu hili jukumu la usalama mumenipatia msiwe mumenitega mimi nitafanya kazi na maslahi ya Mombasa yatafwatwa.

Sitaangalia nyuma na mimi wale wanataka waende wajipendekeze jipendekezeni wakati mzuri na hapa nataka nichukuwe mfano wakati wa Idd baraza Mheshimiwa wa Mvita Abdulswamad alisema ya kuwa hivi sasa tunakuwa na maswala ambayo yanasumbua usalama kwa sababu mtu anasema Mohamed Ndanda nilimpigia kura Kadzandani usiku anashika panga anakata watu.

Mimi nitamtoa na polisi ndani na ninashukuru kiongozi yule ni kiongozi wa kuigwa, sisi Mheshimiwa Spika nataka nijulishe Nyumba hii ya kwamba tumekuwa na vikao viwili na hawa Waheshimiwa wanasema kuna ukosefu wa usalama lazima utulie kazi ifanywe Mheshimiwa wa Frère Town anasema kama huwezi mvuke usiingie jikoni.....

*(Applause)*

Na kweli sababu sasa Mheshimiwa aangalia watu wanakufa Waheshimiwa wako pale chumba cha mkutano, watu wanafanya kampeni sisi tukae tukiangalia maswala tulete maofisa wanofaa ili maisha yetu yaende vizuri.

Ukija hapa unasema ni watu wangu wa Kadzandani, hawa watu wa Kadzandani wabaki Kadzandani wafanye kazi mbona waje barabarani wavamie barabara iliyojengwa na mamilioni ya pesa ili wananchi waweze kutembea.

Mimi sehemu ile imetengenezwa kwa sababu wewe uweze kushika mtoto wako hata isitoshe kumewekwa chuma Mheshimiwa Spika, chuma zile zimetengenezwa ili mtu atembe vizuri nashukuru kila mtu amejadili hoja hii itatufaa sote na mimi nilikuwa napenda sana kutoa mifano Mheshimiwa Shariff Nassir Marehemu Mungu amlaze mahali pema.

Alipoanza ile kazi pale mapembe ya ndovu wengi walilaumu lakini leo kila mwananchi wa Mombasa anaraha, Mheshimiwa shukran sana Mungu atubariki sote.

*(Applause)*

**Hon. Deputy Speaker** (Mr. Mswabah Rashid): Thank you Members I think this Motion has been debated to the full, now am left with no alternative but to put the question.

*(Question put and agreed to)*

### **ADJOURNMENT**

The House rose at 3.56pm.